


大明集禮


六十五






| | | | |
|------|---|---|---|
| 庫文閣内 | | | |
| 函 | 冊 | 號 | 類 |
| 一 | 九 | 〇 | 漢 |
| 三 | 〇 | 〇 | 書 |

| | | | |
|------|---|---|---|
| 庫文閣内 | | | |
| 函 | 冊 | 號 | 類 |
| 二 | 九 | 〇 | 漢 |
| 一 | 〇 | 〇 | 書 |

| | | | |
|------|-----------|------|--|
| 内閣文庫 | | | |
| 番號 | 漢 | 1900 | |
| 冊數 | 80 (65) | | |
| 函號 | 295 | 24 | |







浅草文库

四瀆旗

淺草文庫

按爾雅曰。江河注濟為四瀆者。發源注海者也。白虎通曰。謂之瀆者何。瀆者濁也。中國垢濁發源東注于海。其功著大。故稱瀆也。

四旗。江瀆旗。赤質。青火焰脚。繪神人冠七梁冠。青欄朱袍。跨赤龍。河瀆旗。黑質。赤火焰脚。繪神人冠七梁冠。皂欄黃袍。跨青龍。淮瀆旗。素質。赤火焰脚。繪神人冠七梁冠。素欄素袍。乘青鯉。濟瀆旗。青質。赤火焰脚。繪神人冠七梁


禮記

卷四十三

五

冠。皂欄青袍。乘一轎。


制。江旗赤質。河旗白質。淮旗青質。濟旗黑質。俱黃欄赤火。船間綵脚。中繪水形。



五嶽旗

按鄭康成禮註。五嶽。東曰岱宗。南曰衡山。西曰華山。北曰恒山。中曰嵩高山。**宋**東嶽旗。青質。赤火焰脚。繪神人冠。七梁冠。皂欄。青袍。黃裳。白中單。素蔽膝。執圭。南嶽旗。赤質。赤火焰脚。繪神人冠。七梁冠。黑欄。緋袍。黃裳。黃中單。朱蔽膝。執圭。中嶽旗。黃質。赤火焰脚。繪神人冠。七梁冠。皂欄。黃袍。黃裳。白中單。朱蔽膝。執圭。西嶽旗。白質。赤火焰脚。繪神人冠。七梁冠。皂欄。皂袍。黃裳。白中單。素蔽膝。執圭。北嶽旗。黑質。赤火焰脚。繪神人冠。七梁冠。紅欄。皂袍。黃裳。白中單。素蔽膝。執圭。**元**因**宋**制。惟神人裳色不同。

今制東嶽旗。青質。南嶽旗。赤質。中嶽旗。黃質。西嶽旗。白質。北嶽旗。黑質。俱黃欄。赤火焰脚。中繪山形。




五星旗


按考靈耀曰。歲星。木精。熒惑。火精。鎮星。土精。太白。金精。辰星。水精。宇文周太常旗。畫日月五星。**宋**制五旗。俱青質。黃襪。赤火焰脚。各繪神人。服隨方色。**元**制五旗。金星旗。素質。赤火焰脚。畫神人冠五梁冠。素衣皂襪。朱裳。秉圭。水星旗。黑質。赤火焰脚。畫神人冠五梁冠。皂衣皂襪。綠裳。秉圭。木星旗。青質。赤火焰脚。畫神人冠五梁冠。青衣皂襪。朱裳。秉圭。火星旗。


赤質。青火焰脚。畫神人冠。五梁冠。朱衣皂襪。
 綵裳。秉圭。土星旗。黃質。赤火焰脚。畫神人冠。
 五梁冠。黃衣皂襪。綵裳。秉圭。

令制木星旗。青質。火星旗。赤質。土星旗。黃質。
 金星旗。白質。水星旗。黑質。俱黃襪。赤火焰間。
 綵脚。中以金塗。星形一。



天祿旗

按顧野王符瑞圖曰。天鹿者純靈之獸也。五色。光耀洞明。一角。長尾。制天鹿旗。赤質。黃欄。青火焰。脚中繪天鹿獸。白身。綠尾。一角白。

制與宋同。



房宿星

按史記天官書曰。房為天馬。四晉書天文志曰。

房四星為明堂。天子布政之宮也。宋房宿旗。


青質赤火焰脚。畫神人。烏巾。白中單。碧袍黑

襪。朱綬。膝白帶。黃裙。朱舄。右手仗劍。元制青

質。青火焰脚。繪四星。下繪兔。

今制青質。黃襪。赤火焰脚。中塗金為房

宿六。



天馬旗

按前漢禮樂志。天馬騾龍之媒。武帝元狩四年。馬生渥洼水中。作天馬歌。宋制天馬旗。赤質黃欄。赤火焰脚。中繪馬形。兩肉翼。


今制與宋同。



白澤旗

按顧野王符瑞圖曰。澤獸者。一名白澤。能言
 語。達萬物之精神。王者明照幽遠。則至。**昔帝**
 巡狩至於東海。澤獸出言。以戒于民。為時除
 害。**唐**六典武庫令。有白澤旗。**宋**制旗二。赤質。
 繪白澤形。龍首。綠髮。載角。四足。為飛走狀。**元**
 制赤質。黃欄。赤火焰。脚。繪獸虎首。朱髮。而有
 角。龍身。

宋制同宋。





熊旗羆旗

按格物論云。熊大似豕而性輕健。山居能攀緣上高樹。見人則顛倒投地而下。羆似熊。黃白紋。長頭高脚。猛憨多力。又按周禮冬官。斲人云。熊旗六旂。以象伐也。注。熊虎為旗。師都之所建也。伐星屬白虎宿。與參連體六星。**漢**因制熊旗。**唐**有赤熊旗。**宋**有黃熊旗。皆未制羆旗。

今制熊羆旗各一。赤質黃欄。赤火焰間綵脚。

熊旗繪熊。熊旗繪熊。熊旗繪熊。





鸞旗

按顧野王符瑞圖曰。鸞鳥者赤神之精。鳳凰之佐也。其狀如翟而五采。鳴中五音。人君進退有度。親踈有序。則至。**漢**有鸞旗。師古注曰。鸞旗。編以羽毛。列繫幢傍。載於車上。**唐**亦有鸞旗。**宋**制鸞旗二。赤質。青火焰脚。繪鸞形。**元**因**宋**制。


今制赤質。黃欄。赤火焰間綵脚。餘同。



麟旗

按顧野王符瑞圖曰。麒麟。仁獸也。亦曰木之精也。毛虫三百六十有六。而麟為之長。其狀麋身。羊頭。牛尾。一角。角端有肉。音中律呂。步中祝矩。不踐生虫。不折生草。不食不義。不飲汚池。**唐**開元禮義羅曰。高祖特麟見苑囿。改元麟德。制麟旗。**宋**麟旗二。赤質。青火焰脚。中圖麟形。**元**與宋同。

今制赤質。黃欄。赤火焰間。綵脚。繪麟于上。



角宿旗

按史記天官書曰東宮蒼龍大角者天王帝
 廷晉書天文志曰角二星主造化萬物布君
 之威信謂之天闕其間天門也其內天廷也
 以黃道經其中七曜之所行也宋角宿旗青
 質赤火焰脚畫神人為女子形露髮朱袍黑
 欄立雲氣中持蓮荷元制青質青火焰脚繪
 二星下繪蛟


今制青質黃欄赤火焰間綵脚中塗金為角

大明集禮

卷四十三


三十四

宿二。



亢宿旗

按史記天官書曰。亢為䟽廟。**晉**書天文志曰。亢。四星。天子之內朝。**宋**亢星旗。青質。赤火焰。脚。畫神人。冠五梁冠。朱袍皂襪。皂帶。黃裳。持田等子。**元**制。青質。青火焰。脚。繪四星。下繪龍。**制**。青質。黃襪。赤火焰。間綵脚。中塗金為亢宿四。



氐宿旗

按史記天官書曰。氐為天根。晉書天文志曰。

氐四星。王者之宿宮。后妃之府也。宋氐宿旗。


青質。赤火焰脚。畫神人冠小冠。衣金甲。朱衣。

包肚。朱擁項。白袴。右手仗劍。乘一鼈。元制青

質。青火焰脚。繪四星。下繪貉。


今制青質。黃欄。赤火焰間。綵脚。中塗金為氐

宿四。



心宿旗


按史記天官書曰。心為明堂大星。天王前後
 子屬不欲直。晉書天文志曰。心三星。天王正
 位也。宋心宿旗。青質。赤火焰。脚。畫神人冠五
 采冠。朱袍。皂襪。左手持杖。元制。青質。青火焰
 脚。繪三星。下繪狐。
 今制。青質。黃襪。赤火焰。間綵脚。中塗金為心
 宿三。



尾宿旗


按史記天官書曰。尾為九子。曰君臣。**晉書**天文志曰。尾九星。後宮之場。旁一星名曰神宮。解衣之內室。**宋**尾宿旗。青質。赤火焰。脚畫神人。冠束髮冠。素中單。黃袍。朱裳。青帶。纁裳。赤舄。右手仗劍。左手持牙。**元**制。青質。青火焰。脚上繪九星。下繪虎。

今制。青質。黃襴。赤火焰。間綵脚。中塗金為尾宿九。又神宮小星一在旁。




箕宿旗

按史記天官書曰箕為敖客。**晉**天文志曰箕
 四星亦為後宮后妃之府亦曰天津。一曰天
 箕主八風。**宋**箕宿旗青質赤火焰脚畫神人
 冠金梁冠衣淺朱袍皂襪仗劍乘白馬於火
 中。**元**制青質青火焰脚繪四星下繪豹。
今制青質黃襪赤火焰間綵脚中塗金為箕
 宿四。



斗宿旗

按史記天官書曰。北宮玄武南斗為廟。**晉書**
 天文志南斗六星。為丞相太宰之位。酌量政
 事之宜。褒進賢良。稟授爵祿。**宋**斗宿旗青質。
 亦火焰脚。畫神人。被髮黃腰裙。朱帶。右手持
 杖。**元**制黑質。黑火焰脚。上繪六星。下繪繅。
今制青質。黃欄。赤火焰。間綵脚。中塗金。為斗
 宿六。



大明集禮

卷四十三

四十二

